

de aliis qui cum humilitate veniam precantur. Luc. 18. v. 9. 14.

*I. C. in Festo Encaniorum. 1. Dedicatio-
nis Templi à Iudæis rogatus an sit
Christus, respondet opera sua satis
testari se Dei filium, & cum di-
xisset, se cum Patre unum esse
Deum, Iudæi lapidare, aut
apprehendere eum conantur.*

CXI. Facta sunt Encænia in Ierosolymis, & hyems erat, & ambulabat Iesus in templo, in porticu Salomonis, circumdederunt eum Iudæi, & dicebant; Quousque animam nostram tollis? si tu es Christus, dic nobis palam? Respondit Iesus: Loquor vobis, & non creditis: opera quæ ego facio in nomine Patris mei, hæc testimonium perhibent de me, sed vos non creditis, quia non estis ex ovibus meis. Ego & Pater unum sumus. Sustulerunt lapides Iudæi, ut lapidarent eum. Respondit eis Iesus, multa bona opera ostendi vobis ex patre meo; Propter quod eorum opus me lapidatis? si mihi non vultis credere operibus credite, ut cognoscatis & credatis, quia Pater in me est, & ego in Patre: quærebant ergo eum apprehendere, & exivit de manibus eorum. Ioan. 10. v. 22... 39.

*I. C. abiit trans Iordanem ubi fuerat
Ioannes.*

CXII. Et abiit trans Iordanem, in eum locum, ubi erat Ioannes baptifans primum, & mansit illic: & multi venerunt ad eum, & multos curabat ex ipsis: & dicebant, quia Ioannes quidem signum fecit nullum. Omnia autem quæ dixit Ioannes de hoc (Christo) vera erant; & multi crediderunt in eum. Ioan. 10. vers. 40. 42.

*I. C. Phariseis respondet repudium non
esse licitum. Adolescenti, divitias pau-
peribus erogandas ad thesaurum in
cælo obtinendum, dat & parabolam
de operariis in vineam missis.*

CXIII. Phariseis interrogantibus an liceret homini dimittere uxorem suam quacunque ex causa? dicit Iesus, non licitum esse repudium. Moysem permisisse ob duritiem cordis eorum, sed quod Deus semel conjunxit, homo non separet. Matth. 10. vers. 3... 9. Marc. 10. vers. 2... 12. tum virginitatem laudat. Matth. ibid. vers. 10. 12. parvulos benedicit. vers. 13... 15. Luc. 10. vers. 13... 16. adolescenti diviti qui omnia Dei mandata observare se dicebat, hortatur Christus, ut si perfectus esse vellet, venderet omnia, quæ habebat, & daret pauperibus, thesaurumque se in cælo habiturum. Sed cum tristis ille recederet, Christus demonstrat, quam difficile esset divitibus intrare in regnum cælorum. Apostolis autem & iis qui omnia reliquerant, & sequebantur se, promisit in cælo centuplum & vitam æternam. Ex Matth. 19. vers. 16. ad finem. Matth. 10. vers. 3. Luc. 18. 16. vers. 18. 30. & parabolam dat de operariis in vineam missis, quorum alii à prima diei hora, alii à tertia, alii à sexta, à nona, ab undecima ad labo-

rem vocati, singuli à patre-familias suum denarium pariter acceperint; quod ii unâ horâ aut paucioribus horis tantum fecissent, quantum illi pluribus. Matth. 20. vers. 1... 16.

*I. C. Lazarum in Bethania suscitavit.
Martha, & Maria mittunt ad Chri-
stum, qui nuntiet Lazarum fratrem
suum egrotare, & statim eum esse
mortuum. Venitque Christus Be-
thaniam ubi Martha & Ma-
ria precibus motus, flevit
& ipse: & Lazarum jam
quadrado sepultum in
vitam revocat.*

Erat languens Lazarus in Bethania, de ca. CXIV, stello Mariæ & Marthæ sororis ejus. Miserunt sorores Lazari ad Iesum, dicentes: Domine ecce, quem amas, infirmatur. Iesus dixit: Infirmitas hæc non est ad mortem, sed pro gloria Dei, ut glorificetur Filius Dei per eam. Diligebat Iesus Martham, & sororem ejus Mariam, & Lazarum. Ut audivit quia infirmabatur, mansit in eodem loco, (ubi erat) duobus diebus, & dixit Discipulis: Eamus in Iudæam: post hæc dixit, Lazarus amicus noster dormit. Sed vado ut à somno excitem eum. Lazarus mortuus est, & gaudeo propter vos, ut credatis, quoniam non eram ibi. Sed eamus ad eum. Venit itaque Iesus, & invenit eum quatuor dies jam in monumento hærentem, (erat autem Bethania juxta Ierosolymam quasi stadiis quindecim) multi autem ex Iudæis venerant ad Martham & Mariam, ut consolarentur eas de fratre suo. Martha ut audivit, quia Iesus venit, occurrat illi, & rediens vocavit Mariam sororem suam. Maria cum venisset, ubi erat Iesus, cecidit ad pedes ejus, & dicit ei: Domine, si fuisses hic, non esset mortuus frater meus. Iesus, dixit, Ubi posuistis eum, dicunt ei: Domine, veni, & vide. Venit ad monumentum, erat enim spelunca, & lapis superpositus erat ei. Ait Iesus: Tollite lapidem, dicit ei Martha, Domine jam fatet, quadradianus est enim. Dixit ei Iesus, Nonne dixi tibi quoniam si credideris, videbis gloriam Dei. Tulerunt ergo lapidem, & Iesus clamavit, Lazare veni foras, & statim prodiit, qui fuerat mortuus, ligatus pedes, & manus institis, & facies ejus sudario erat ligata. Dixit eis Iesus: Solvite eum, & finite abire. Multi ergo ex Iudæis, qui venerant ad Mariam & Martham, & viderant quæ fecit Iesus, crediderunt in eum. Quidam ex ipsis abierunt ad Phariseos, & dixerunt eis, quæ fecit Iesus. Ioan. 11. vers. 1... 46.

*I. C. à Pontificibus, & Phariseis con-
silio habito ad necem expetitur. Cai-
pha Pontifice in eam rem pro-
phetiam dante.*

Collegerunt ergo Pontifices & Pharisei CXV, consilium, & dicebant: Quid facimus, quia hic homo multa signa facit? si dimittimus eum sic, omnes credent in eum, & venient Romani, & tollent nostrum locum, & gentem. Unus autem ex ipsis Caiphas nomine, cum